

ESPERANTO



EN AFRIKO

Bulteno de la Afrika Komisiono de UEA

Numero 26 (2016: 1)

Saluton, karaj legantoj !

Jen ni en la nova jaro 2016 ! Estas tradicie sendi bondezirojn jarkomence, kaj ĉi-foje mi deziras al vi kaj al viaj familianoj sanon kaj sukcesplenan novan jaron, estante en nova rolo – redaktanto de la komisiona bulteno. Jam de multaj tagoj estis diskuto en la Afrika Komisiono pri la reorganizo de la laboroj, kaj pro troa laboro de la antaŭa redaktanto, mi transprenis la preparadon de la periodaĵo. Mi do volas danki al Jean Codjo pri lia laŭdinda ĝisnuna laboro.

Sed, tio ne estas unusola novaĵo el nia komisiono. Ĝi decidis translokigi la 6-an Afrikan Kongreson en novan landon, pro subita politika malsereneco en Burundo. La kongreso okazos en Tanzanio, en la urbo Bunda, inter la 28-a de novembro kaj la 5-a de decembro 2016. Bonvenon al ĉiuj !

Meze de decembro – naskiĝmonato de Zamenhof – pli ol unu afrika klubo kaj asocio ne nur rememoris la iniciatinton de Esperanto, sed ankaŭ okazigis utilajn aranĝojn pri kio vi estas invititaj legi en tiu ĉi numero. Same, la bulteno prezentas la laborplanon de la Afrika Komisiono por la ĵus komenciĝinta jaro, kaj klopodojn reklami la lingvon en landoj, kie ĝi ankoraŭ ne hejmiĝis.

Agrablan legadon!

Adjé Adjévi

Oficiala komuniko de la Afrika Komisiono de UEA pri AKE-6



Estas sciate, ke Burundo estis anoncita kiel la gastiglando de la 6-a Afrika Kongreso de Esperanto (AKE) en tiu ĉi jaro, sed pro la subita malpliboniĝo de la politika

situacio en tiu lando, la lokaj kongresaj preparantoj devis rezigni.

La Afrika Komisiono devis esplori alternativan solvon por organizi AKE en 2016. El la alvenintaj proponoj de diversaj landoj, tiu de Tanzanio pritaksiĝis la plej interesa. Tanzaniaj kolegoj kuraĝe akceptis transpreni la preparlaborojn, tiel la AKE-6 oficiale okazos en la urbo Bunda.

Multaj urĝaĵoj kaj farendaj atencoj okazos en Tanzanio. Tamen, en la Afrika Komisiono ni celas kvalitan kongreson, kaj tial ni firme kun-

laboras por prezenti pli ĝuidan kaj agrable ne forgesblan kongreson. Ni ankaŭ arde klopodas por ebligi al tiom da enkontinentaj

esperantistoj la ŝancon partopreni en vere Tutkontinenta renkontiĝo.

Ni esperas ricevi helpon kaj subtenon de ĉiuj bonkoraj esperantistoj kaj organizaĵoj, kaj spirite kaj materie.

La nomo kaj la logotipo de organizaĵoj, individuoj, kiuj subtenos la kongreson per subtena pago por 5 afrikanoj el la najbaraj landoj de Tanzanio, aperos en la kongresa libro kaj en la komisiona retpaĝo.

Antaŭdankon!

Legu la bultenon
Esperanto en Afriko
en la reto:

www.esperanto-afriko.org
Vi estos bonvena inter la legantoj!

ZAMENHOFA TAGO 2015 :

de Benino...

En la regiono de Lokossa kaj de Koĝi, kie esperantistiĝis multaj junaj beninanoj pro la tiea lernejo *Jules Verstraeten*, estas tradicie konate, ke oni festas Zamenhofan Tagon je la fino de la jaro. Ĉi-jare la festo okazis ne la 15-an de decembro, sed la 28-an, tiel ke multaj esperantistoj ĝin povis partopreni.

Por la unua fojo, geknaboj de Koĝi reagis pozitive al la invito de Bernard Gnancadja – prezidanto de BOJE (benina junulara sekcio). Ili venis al la urbo Lokossa por tie festumi ĉe la publika ejo Ruĝa Stelo. Ĉeestis ankaŭ Latifou – prezidanto de la landa asocio ABeE.

Oni kaptis la okazon por priparoli strategiojn efikajn, por ke



pli kaj pli da gejunuloj aktive surmetis T-ĉemizojn kun Esperanta agadu por la movado. Deko da ŝildo por reklame turni la atenton knabinoj el Koĝi, precipe de la de neesperantistoj al nia movado. Esperanto-klubo V.K.E ankaŭ ĉeestis kaj eĉ kantis kaj dancis. Ili

Bernard Gnancadja

...al DR Kongolando

La neprofitcela asocio *Solidareco kaj Agado* festis la naskiĝtagon de Zamenhof en Kinŝaso, DR Kongo, la 19-a an de decembro 2015. Partoprenis kelkaj esperantistoj kaj neesperantistoj.

Ni prelegis pri la temo: *Esperanto, nova ideo por la komunikado*; prezentis kelkajn librojn al la partoprenantoj kaj trinkis kaj manĝis ion por festumi la tagon. La etoso estis bonega. Kelkaj partoprenantoj aŭdis unuafoje pri Esperanto.

Estis okazo por *Solidareco kaj Agado* inaŭguri sian Kulturen Centron, kies celo estas: a) organizi informon kaj trejnadon de Eo; b) perfektigi ĉe siaj membroj la konon kaj uzon de la internacia lingvo Esperanto por ĉiuj intencoj kaj kulturaj celoj; c) evoluigi la uzon de Esperanto; ĉ) organizi turismajn aktivajn por esperan-

tistoj; d) entrepreni ĉiujn eblajn por eklerni Esperanton. La lingva iniciatojn por la disvastigado de kurso ekos januare 2016.

Certe sen sidejo, tamen ni lernejo Galilée, kie certe ankaŭ decidis komenci la agadojn de la okazos la Esperanto-kurso. Ĉe la fino de la aranĝo kelkaj partoprenantoj enskribiĝis

Jean-Bosco Malanda Lutete



tra Malagasujo...

La membroj de Itaosy E-klubo (IEK) kunfestis la Zamenhofan Tagon dimanĉe, la 20-an de decembro.

En la sama monato de decembro okazis ankaŭ lingva kurso al grupo de infanoj, konsultiĝo kun amikoj de Madagaskaro pri ebla okazigo de la nacia kongreso en 2016 kun Internaciaj Ekzamenoj de UEA/ILEI, preparo por akcepti surloke en la sekva januaro *Nomad'Kursanojn*, instruado de la lingvo al



grupoj de gejunuloj, verko de rilatoj kun esperantisto en Rusio, la sesa Afrika Kongreso de Esperanto, okazonta en Tanzanio. renkonto de amiko kaj aranĝo de de projekto pri arbarigo en kunstudkunveno kun li kaj koreslaborado kun tiurilataj asocioj en pondado kun la kunordiganto de Francio, ekstarigo de komercaj la Afrika Komisiono de UEA pri

Fidilalao Henriel

...kaj Togolande!

Okaze de la jarkunveno de Agado por la Progresigo de Esperanto en Togolando (APETO), 12 lomeaj e-istoj festrememoris la naskiĝon de L.L. Zamenhof kun enhaviĉa levis multajn demandojn pri la programo en konstruaĵo de la universitata centro St. Jean de Lomeo, la 12-an de decembro.

Estis interesa prelego pri la vivo de Zamenhof en formo de kvizo tiel, ke la partoprenantoj multe lernis en amuzplena etoso kaj iniciatinto de Esperanto. Okazis prezento de raporto pri la agado en la finiĝanta jaro, diskuto pri

perspektivoj por la jaro 2016, rilate al la disvastiĝo de la lingvo landskale kaj ankaŭ pri Esperantorenkontiĝoj tra la kontinento en la kuranta jaro kaj en la tuj postaj jaroj.

Dumkunvene, oni pledis por ofta renkontiĝo inter esperantistoj kaj novuloj, kadre de la Babilmanĝo kaj ankaŭ por la uzo de la lingvo ĉiukunvene por kelkminuta lertigo de interesuloj pri praktikaj manaferoj. Tial por la venonta kunveno estis promeso de artisto Agbegan Aholou lernigi pri pentraĵo, dum alia montros kiel baki kukon, ekzemple.

Ĉiuj ĉeestantoj, el kiuj estis du virinoj, ĝuis labore kaj feste la eventon, meze de bongustaj manĝaĵoj kaj refreŝigaĵoj. La festo finiĝis en la belega ĝardeno de St. Jean kun seancoj de fotoj, dum kiu ĉiuj unuopaj kunvenantoj provis akcepti la defion pri la plej bela foto, ĉu per poŝtelefonoj, ĉu per ciferaj fotiloj.

El retejo de APETO



Kelkaj el la kunvenantoj

Esperanto en Suda Sudano

Esperanto ankoraŭ ne atingis ĉirkaŭ s-ro Anono Dodzi Komlan, ĉiujn landojn de Afriko. Tamen en iuj landoj la movado jam hejmiĝis, ekzistas kelkaj esperantistoj kaj funkcias landaj asocioj, dum en aliaj landoj nur estas landaj kluboj aŭ unuopaj esperantistoj. Fakte en la Jarlibro de UEA estas mencio de dudeko da landaj asocioj kaj kluboj en la kontinento. Bedaŭrinde la situacio ankoraŭ ŝajnas pli plorinda en afrikaj arablingvaj landoj.

Sed jam de la ĵus pasinta oktobro klopodoj por Esperanto en Suda Sudano estas farataj en kunlaboro kun la Afrika Komisiono

eks-esperantisto, kiu nun volas relerni Esperanton. Temas pri helpado al li en la lingva ellernado kaj kreo de provizora retejo <http://esperantosudan.jimdo.com> por reklami la lingvon en Sudano. Ankaŭ oni direktas la homon al retaj kursoj de Esperanto. Krome, oni planas helpi per kreo de afiŝo por informi en universitatoj, kreo de informfolio pri Esperanto k.s., sed ankaŭ instigi lin kontakti kun gazetaro por helpi en aperigo de artikolo.

Li komencas re-uzi la lingvon en korespondado kaj plie komencas

organizi sian liberan tempon por disvastigi kaj instrui la lingvon. Fondo de la unua sudana klubo ankaŭ perspektivas, ĉar estas komprenite, ke ĉiuj aliaj klopodoj sen ekzistanta movado estus vanaj.

Certe la ŝancoj de Esperanto en Afriko estas altaj. Per iom da rimedoj eblos funkciigi en la lando plurajn kvalitajn kursojn. Por helpi la Esperanto-movadon en afrikaj landoj kaj precize en Suda Sudano, oni bonvolu senhezite rilati kun la Afrika Komisiono de UEA. Ĉiu subteno en formo de mono servos por sendado de lerno-materialo kaj organizo de studkunvenoj.

El la Redakcio

Afrika Kongreso 2016, ĉu vi ne subtenas ?

Certe vi estas multaj, kiuj subtenas la ideon de la Afrika kongreso en 2016. Kelkaj el vi eĉ kontribuis iom en la kampanjo por subteni la ĉeeston de tiom da aktivuloj el la kontinento al la sesarenkontiĝo antaŭe anoncita en Burundo, sed kiu finfine translokiĝis al Bunda, Tanzanio 2016.

Fine de la jaro oni kalkulis ĉiujn alvenintajn subtenojn. Estis kuraĝiga rezulto: sumo egala al pluraj centoj da eŭroj transskribiĝis nome de AKE-6. Koran dankon al ĉiuj donacintoj. Sed la kolektita sumo apenaŭ sufiĉas por pagi vojaĝkostojn de deko da kongresanoj el la najbaraj landoj de Tanzanio.

Ĉar daŭre venas pliaj petoj por partopreni la kongreson el Ugando, Burundo, DR Kongo, Kenjo, Tanzanio kaj eĉ el foraj Afrikaj landoj, Afrika Komisiono de UEA ŝatus denove alvoki al ĉiuj bonkoraj Esperantistoj kontribui, ĉu per pago de aliĝkotizo

por du aŭ kvar Afrikanoj, ĉu per pago de 200 eŭroj por kovri vojaĝkostojn de unu el la meritplenaj Esperantistoj, ĉu per subtena aliĝo. Tio estas, ke la intereso aligas kaj pagas la kongreskotizon en sia nomo. Poste, kiam venos la eblo mendi hotelon, manĝojn kaj ekskursojn, ili mendas nenion. Ilia kongreskotizo estos donaco al la kongresa kaso. Ilia nomo aperos en la kongresa kajero. Oni antaŭvidas, ke estos iu stelo apud ilia nomo por montri, ke ili

faris subtenan aliĝon kaj ne fizike partoprenos.

Tiuj, kiuj dezirus disponigi pagon aŭ donacon al la konto "Afriko" kun indiko "AKE-2016", bonvolu kontakti la financan fakon de UEA retletere je financoj@co.uea.org kun kopio al ake-2016@yahoogroupes.fr.

Ni estas dankemaj por ĉiu kontribuo, eĉ la plej malgranda estas tre bonvena.

AK



Bonan novan labor-jaron! Ni rekomencu!

La grupeto, kiu okupiĝas pri informado subtene al la estrarano Stefano Keller, jam rekomencis labori por la jaro 2016.

La unua ero de la ĝia laborplano estas: La tago de gepatraj lingvoj – 21-a de februaro 2016.

Bonvolu atendi baldaŭajn afiŝetojn kaj konsilojn por agado. Intertempe vi bonvolu diri, ke vi deziras kunlabori pri ĉi tiu agado en la listo <informado@yahooogroups.com>. Se vi okupiĝas pri informado al neesperantistoj en via lando aŭ urbo, bonvolu aliĝi tuj al tiu listo por esti certa ricevi ĉiujn informojn.

Bonan kunlaboron al ni ĉiuj en la jaro 2016-a.

Informa Fakto de UEA

Laborplano 2016 de la Afrika Komisiono de UEA

Jen estas la laborplano de la Afrika Komisiono por 2016. Ni publikigas ĝin en *Esperanto en Afriko* por montri al ĉiuj kion praktike faras kaj planas la komisiono.

1. Redakto kaj aperigo de la bulteno "*Esperanto en Afriko*" bite kaj paperforme en la kvanto de 4 numeroj jare.
2. Flego kaj ĝisdatigo de informoj en la komisiona retpaĝaro: www.esperanto-afriko.org kaj en la fejsbuka paĝo.
3. Pretigo de diversaj varbiloj kaj informiloj.
4. Reklami Esperanton dum la universitataj foiroj kaj en la sociaj retejoj.
5. Instigo al organizado kaj raportado pri lingvaj kursoj ĉeesta, perkoresponda.
6. Okazigo de la 3-a Afrika AMO-seminario.
7. Serĉo de kontrollegantoj por verkoj de Afrikanoj.
8. Stimuladi kaj konkrete puŝi afrikanojn kandidatiĝi por la programo "Ni semas" de UEA.
9. Instigo al kreo de TEJO- kaj ILEI-sekcioj kaj virinaj grupoj en la kontinento.
10. Varbi rimedon por elpreso de la lernolibro de esperantisto Emmanuel Rafiki.
11. Helpi en la fortigado de LA, subteno al Tanzanio kaj Kenjo organiziĝi en landaj asocioj.
12. Prelegoj kaj partopreno de la komisionanoj en konferencoj kaj kongresoj de landaj asocioj de UEA en la kontinento.
13. Prizorgo de la afrika budo kaj kunveno dum la 101-a UK en Nitro.
14. Disdono de jaraj subvencioj al aktivaj landaj asocioj kaj kluboj.
15. Provizi petintojn per studmaterialoj.
16. Kunprepari kun tanzaniaj aktivuloj la 6-an AKE, kiu okazos de la 28-a de novembro ĝis la 5-a de decembro 2016 en Bunda, Tanzanio, sub la temo "Esperanto, ilo por paco kaj disvolviĝo".
17. Serĉi kandidatan landon por la 7-a AKE.
18. Realigi kampanjon por la partoprenigo de afrikaj esperantistoj al la kongreso en Tanzanio.

Legu la bultenon *Esperanto en Afriko* en la reto: www.esperanto-afriko.org Vi estos bonvena inter la legantoj!

Jarrenkontiĝo en Anjron-Kope

Kongreso de UETA sukcese okazis en Anjron-Kope (Togolando), de la 20-a ĝis la 25-a de decembro 2015 kun sesdeko da partoprenantoj el Burundo, Kamerunio, DR Kongolando, Benino, Malagasio, Svisujo kaj Togolando.

Estis tre agrabla etoso kun la vilaĝanoj, kiuj kunfestis. Estis kvar rezolucioj i.a. pri identeco de afrikanoj, UETA en 2016, Esperantaj Ekzamenoj de UETA en Afriko, kaj Afrika Kongreso de Esperanto (AKE). Kompletaj raportoj kun la rezolucioj aperos poste.

Pri la programo «Ni semas» de UEA

Ĉu vi legis pri "Ni semas", nova programo de UEA ? Ĉu vi deziras partopreni ĝin aŭ simple bezonas informojn ? Jen adreso al kiu sendi proponojn kaj peti klarigojn pri ĝi: <nisemas@co.uea.org>.

Ĉi-sube estas la regularo de la programo.

Celoj

La subvenciprogramo "Ni semas" estas elŝutebla el la retejo de UEA kaj eventuale ankaŭ plenigebla en unuopuloj, kluboj, E-centroj, landaj aŭ fakaj asocioj aŭ aliaj grupoj, kiuj kontribuas en konkreta maniero al la realigo de la Strategia Laborplano de UEA, kiuj daŭras relative mallonge, kaj kiuj malmulte kostas.

tajn dokumentojn. La formularo estas elŝutebla el la retejo de UEA kaj eventuale ankaŭ plenigebla en reto. Petoj devas esti senditaj elektronike aŭ per papera poŝto al la Centra Oficejo. Alvenintaj petoj estos pritaksataj post la plej proksima limdato laŭ trimonata ritmo: la 31-a de marto, la 30-a de junio, la 30-a de septembro kaj la 31-a de decembro.

rekomendon. Ĝi rajtas rekomendi subvencii neniun projekton, nur unu projekton, aŭ pli ol unu projekton. En tiu lasta kazo, ĝi prezentu kialojn por la donado de pli ol unu subvencio, aŭ motivojn por elekti inter la kandidatoj. La finan decidon faras la Estraro de UEA, laŭeble rapide post ricevo de la rekomendo.

Financado

La buĝeto por la programo estas aparte indikita kadre de la ĉapitro "Movada Evoluigo" en la ĝenerala buĝeto de UEA, ekde la buĝeto por la jaro 2016. La buĝeto ebligis minimume kvar subvenciojn po €100, sed povas esti pli alta.

Pritaksado, rekomendoj kaj decidoj

La pritaksan kaj administran laboron plenumos juĝkomisiono konsistanta el tri anoj de la Konsilio de UEA. Ĝi rajtas peti de kandidatoj suplementajn informojn, kaj ankaŭ konsiliĝi kun aliaj homoj pri siaj pritaksoj. Ene de 21 kalendaraj tagoj post ĉiu limdato, la komisiono sendas al la Ĝenerala Sekretario de UEA sian

Postraportado

Pri ĉiu subvenciita projekto, la proponinto sindevontigas raporti pri la disvolviĝo kaj rezultoj ene de monato post ĝia kompletigo. Se projekto daŭras pli ol ses monatojn, la proponinto devas koncize raporti pri la progreso ĉiun sesan monaton ekde la aljuĝo de la sumo. Manko de raporto, post ripeta atentigo, povus sekviĝi repostulon de la donita subvencio.

Petoj

Petojn oni faras per formularo, al kiu oni rajtas aldoni suplemen-

Limdato por Esperanto en Afriko n-ro 27: 15-an de marto 2016

Kion faras via landa asocio aŭ via loka Esperanto-klubo en via loĝloko? Bonvolu verki kaj sendi artikolon pri tio. La redakcio ricevas ankaŭ fotojn. Bonvenaj kompreneble ankaŭ estas sugestoj, konsiloj, komentoj por la plibonigo de la bulteno al: <afrika.oficejo@gmail.com>, <adjevia@gmail.com> aŭ aerpoŝte al: Afrika Oficejo de UEA, B.P. 416, Lokossa-Mono, Benino; tel./fakso: +229 224 10 229.

"Esperanto en Afriko" estas trimonata oficiala periodaĵo de la Afrika Komisiono de UEA pri la Afrika Esperanto-movado.

Redaktas: Adjévi Adjé, 06 B.P. 61807, Lomé – TG, Togolando; tel.: +228 902 57 549, 995 72 623.

Membroj de la Afrika Komisiono de UEA:

- 1- Kunordiganto – Adjévi Adjé, Togolando
- 2- Vickunordiganto – Jean Codjo, Kanado
- 3- Junulara agado, TEJO-sekcioj – Jérémie Sabiyumva, Burundo
- 4- ILEI-sekcioj, regionaj agadoj – Émile Malanda Nianga, Sudafriko
- 5- Landaj asocioj, kluboj – Jean Bosco Malanda Lutete, DR Kongolando

Aliĝilo de la sesa Afrika Kongreso de Esperanto

1. Familia Nomo : _____
2. Persona Nomo : _____ ino ☐ viro ☐
3. Lando : _____ Loĝloko : _____
4. Strata aŭ poŝta adreso : _____
5. Retadreso : _____
6. Telefono : _____ Poŝtelefono : _____
7. Naskiĝdato : _____ Profesio : _____
8. Mi konsentas, ke mia adreso aperu en la kongresa kajero : jes ☐ ne ☐
9. ☐ Mi bezonas invitilon :
mia pasporta numero estas : _____ de la ŝtato _____ validas ĝis _____
10. ☐ Mi deziras aliĝi al AKE-6 kaj pagos la kotizon de la kongreso surloke.
11. ☐ Mi deziras aliĝi kaj pagas la kotizon al konto *Afriko* ĉe UEA kun indiko "AKE-2016".
12. ☐ Mi subtenas la kongresan kason per donaco de : _____ eŭroj.
13. Loko, dato : _____ Subskribo : _____

Bonvolu sendi la plenigitan aliĝilon al KOK : ake-2016@yahogroupes.fr

Aliĝkotizoj

La baza aliĝkotizo estas en eŭroj kaj dependas de tri landokategorioj kaj tri aliĝdatoj. Loĝado, manĝoj, ekskursoj kaj aliaj servoj estas aparte pagendaj por alikontinentanoj (vd. sube).

A: Norda Ameriko, Okcidenta Eŭropo, Japanio, Suda Koreio, Israelo.

B: Landoj de Orienta Eŭropo, landoj de Sud-Ameriko, Ĉinio.

C: Ĉiuj landoj en Afriko, nemenciitaj landoj ĉe A kaj B.

Aliĝperiodo	ĝis 31.12.15 (jam pasis)			ĝis 30.05.16			Surloke		
Aliĝkategorio	A	B	C	A	B	C	A	B	C
Kotizoj en eŭroj	20	15	2	30	25	5	40	35	10

Loĝado

Ĉiunokta prezo por unu persono en la kongreseja amasloĝejo: 3 EUR.

Tamen en la kongresa urbo estas diversnivela hoteloj kun unuopaj, dultaj ĉambroj kaj internaj banejoj kaj televidiloj. Eblas loĝi tie en komforto kaj sekureco kun matenmanĝo kontraŭ 15 eŭroj (aŭ pli) persone kaj nokte. La Kongresa Organiza Komitato rezervos hotelĉambrojn por ĉiuj, kiuj dezirus tranokti en hoteloj, sed proksime de la kongresejo.

Mi mendas loĝadon en la sube elektita kategorio :

- ☐ loko en unulita ĉambro en hotelo por _____ noktoj : _____ EUR (se sciate; alie KOK fakturos)
- ☐ loko en dultita ĉambro en hotelo por _____ noktoj : _____ EUR (se sciate; alie KOK fakturos)
- ☐ amasloĝejo en la kongresejo por _____ noktoj : _____ EUR (se sciate; alie KOK fakturos)

Manĝado

Matenmanĝo kostas 2 eŭrojn, dum la prezoj por tag- kaj vespermanĝoj varias inter 3,5 kaj 5 eŭroj.

Ĉiuj manĝoj okazos en la sama periodo, por ĉiuj partoprenantoj kune.

Mi manĝas :

- ☐ viandon kaj fiŝon; ☐ ne viandon sed fiŝon; ☐ nek viandon; nek fiŝon; ☐ nek viandon, nek fiŝon, nek ion el besto.

Ekskursoj

DT1: duontaga al muzeo de la unua Tanzania prezidento en la vilaĝo Butiama (20 km de Bunda); 15 EUR.

DT2: duontaga al la vilaĝo Marambeka (40 km de la kongresejo) por viziti la mezgradan E-lernejon; 10 EUR.

TT: tuttaga al la bestoparko Serengeto (15 km ronde de Bunda Teachers College); 60 EUR.

Ĉiu ekskurso okazos, kondiĉe ke minimume 15 personoj aliĝos.

Bestoparko Serengeti

Serengeti estas granda nacia parko en norda Tanzanio. Ĝi situas je 13 kilometroj de la kongresa urbo Bunda kaj vastas je 14.763 km². Tio estas la dua Afrika faŭnejo kun proksimume kvar milionoj da bestoj, el kiuj 400 specioj de birdoj ĉeestas. Ĝi estas ĉefe konata pro siaj amasaj migradoj de milionoj da gnuoj, zebroj, gazeloj ktp, kiuj okazas dufoje ĉiujare.

Tanzanio

Tanzanio, laŭ longa formo Respubliko Unio de Tanzanio aŭ Unuiĝinta Respubliko de Tanzanio, en la svahila *Tanzania* kaj *Jamhuri ya Muungano wa Tanzania*, en la angla *The United Republic of Tanzania*, estas orientafrika lando, kiu situas borde de la Hinda Oceano en la tropika parto de la Suda Hemisfero. Ĝi estas ĉirkaŭita norde de Kenjo kaj Ugando, okcidente de Ruando, Burundo kaj Demokratia Respubliko de Kongo, sudokcidente de Zambio kaj Malavio, kaj sude de Mozambiko. La lando kovras 945.087 km² kaj havis pli ol 43 milionojn da enloĝantoj en 2010, ĉefe bantuaj. La ĉefurbo Dodomo troviĝas ĉe la koro de la lando, sed la ĉefa ekonomia centro estas la iama ĉefurbo Daresalamo ĉe la marbordo. La oficialaj lingvoj estas la svahila kaj angla, sed la araba estas ankaŭ parolata, precipe en la insuloj Zanzibaro kaj Pembo.

La nuna Tanzanio naskiĝis de la kuniĝo de Tanganjiko kaj Zanzibaro la 26-an de aprilo 1964, iom post iliaj respektivaj sendependiĝoj de Britio en 1961 kaj 1963. Tanganjiko fariĝis membro de la Brita Ŝtatkomunumo kaj de Unuiĝintaj Nacioj en 1961, kaj la nova Tanzanio heredis ambaŭ membrecojn.

Kongresprograme

Kvankam temas pri Afrika kongreso, AKE tradicie rolas kiel okazo por Esperanto-parolantoj el Afriko kaj aliaj mondpartoj kunsidi kaj pridiskuti la staton de la movado en la kontinento. Ankaŭ por amuziĝi kaj ĝui tiun internacian etoson.

Estas vere, ke jam dekomence, AKE iĝis kvazaŭ monda evento, ĉar en ĝi partoprenas geesperantistoj el aliaj kontinentoj. Kaj eksterafrikaj gastoj anonciĝas ankaŭ por la ĉi-jara AKE !

La aranĝo kunigas ĝenerale gejunulojn, kiuj partoprenas en la kutime interesaj kaj variaj programeroj. Ĉiam estas okazo labori, lerni, sperti novajn aferojn, amikiĝi, renkonti aktivulojn nur letere ekkonitajn, sed ankaŭ danci, ĉeesti teatraĵojn kaj spekti filmojn dum la kulturaj vesperoj.

La kongresanoj havos okazon ekskursumi tra kaj malkovri aspektojn de la kongresa lando, kie abundas vidindaĵoj kaj kuriozaĵoj.

Bunda, la urbo de AKE-6

La urbo Bunda situas en la mara regiono. Oriente de ĝi estas la parko Serengeti kaj sudokcidente la lago Viktorio. Krom tio troviĝas montaro, kiu iam donis sian nomon al la tuta urbo. La plej granda kaj longa monto estas Balilikiu ! La nomo Bunda devenis el misprononco de germanoj, kiuj okupis la lokon inter 1804 kaj 1945 antaŭe okupatan de angloj. Kiam la germanoj siatempe atingis la lokon, ili scivolis pri ĝia nomo kaj la indiĝenoj eldiris al ili la nomon "Mabhunda".

Tiutempe enloĝis Mabhundaj indiĝenoj de tribo Vasukuma. Tiu tribo estas unu el la 120 nuntempaj etnoj, kiuj ekzistas en Tanzanio. Ĝi estas la plej fama kaj granda el la lando. Ili estis ĉasistoj kaj nomadoj. Ili donis al la montetaro la nomon *Mabhunda*, kio signifas leonidojn, ĉar tie vivis leonoj kaj sovaĝaj bestoj. Anstataŭ skribi la loknomon *Mabhunda*, germanoj notis *Bunda* kaj tiel la nomo Bunda restis ĝis hodiaŭ.

La urbo estas fame konata pro la monteto, kiu ĉirkaŭas ĝin. En la urbo troviĝas vidindaĵoj kiel la monto Balili, de kies supro oni havas paronaman vidon pri la urbo kaj Hotelo Camp David, flanke de kiu estas interesaj kavoj. Okcidente de la urbeto je 12 km malproksime troviĝas la minejo *Kabasa*, malnova orminejo de germanoj kaj poste de angloj.

Bunda Teachers College – la sidejo de la 6-a Afrika Kongreso de Esperanto – troviĝas en la urbo, precize en la kvartalo *Nyasura*. La lernejo situas 2 km de la centra urbo. En *Nyasura* estas haltejo de busoj, de kie oni rapide atingas BTC, ĉar tiu ĉi situas je distanco de nur 450 metrojn.